

Universitätsbibliothek Paderborn

**R. P. F. Ioannis Nider Ordinis Prædicatorum Theologi De
Reformatione Religiosorvm Libri Tres**

Nider, Johannes

Antverpiæ, 1611

XV. Mouet secundum dubium, an melius sit reformationem laxè vel rigidè incipere. Et mouet argumenta, pro vtraque parte contradictionis, distinguens finaliter, & ostende[n]s per quinque exempla, quòd ...

[urn:nbn:de:hbz:466:1-45728](#)

CAPVT XV.

Mouet secundum dubium, An melius sit reformationem laxè vel rigidè incipere.

Et mouet argumenta pro utraque parte contradictionis, distinguens finaliter, & ostendens per quinque exempla, quod qualibet lex in obseruando tepeſcit, niſi reformatio fiat in ea.

*Oſtendit
qua mala
oriuntur
ex laxa re-
formatio-
ne.*

AD secundum dubium, an melius sit reformationem laxè quam rigidè incipere, in locis vbi reformationi oportunitas arriferit, quid respondendum sit, dubito. Quæ si lentè incipitur, & integra Regula & constitutio non conseruatur rigidè per multitudinem in reformationis exordio, experientia docente didicimus, vix posse postea vñquam perfectam reformationem induci. Tam boni quam mali in quadam affueſiunt viuendi inertia, quam posteā tollere est difficultius, quam graues in ſeculo peccatores conuertere, vt ſuprā patuit de Religioſis tepidis. Qui enim parua negligit, teste Scriptura, paulatim decidit. Semperq; posteā ſic arguunt: In reformationis principio, & hactenus, fuerunt Patres litterati & ſancti, qui ad rigida hæc nos non arctauerunt; cur ergo iugum imponitis nobis, quod nec

nos,

nos, nec patres nostri portare potuerunt? Et sic modò auctoritatem talium, modò præscriptam consuetudinem, modò naturę fragilitatem, & multa alia obiiciunt Superioribus; imò sæpè diuisiones in conuentu ex his seminant, ita ut sit multùm difficile eos ad maiora perfectionis instrumenta pone-re. Sciunt hoc, qui abstinentiam efsus car-nium prohibitam in suo Ordine, & similia, numquam potuerunt obtainere in monaste-riis etiam aliàs reformatis, vbi in exordio re-formationis hæc non introducta fuerunt.

Si verò dixerimus rigidè fore proceden-dum ab initio cum deformatis fratribus, Mala quæ
procedunt
ex rigida
reforma-
tione. opponent plura suprà argumenta posita pri-mo libro, & se coram Ecclesiasticis & sæ-cularibus multùm apparenter excusare po-terunt hi, qui aliàs ad reformationem sunt inuiti. Obiicient etiam doctrinam Legisla-toris supremi Matth. 12. positam, & vatici-nium sumptum ex Isaia 42. Mat. 12. 20
Isa. 42. 3. *Arundinem* *quassatam non confringet, & linum fumi-gans non extinguet, donec eiiciet ad victo-riam iudicium.* Respondebunt insuper sicut Christus Matth. 9. contra discipulos Ioan-nis, qui Christo dixerunt: *Quare nos & Pha-risei ieunamus frequenter, discipuli autem tui non ieunant? Nemo committit commis-suram panni rudis in vestimentum vetus:* Mat. 9. 14.

P tol-

tollit enim plenitudinem eius à vestimento, & peior scissura fit. Neque mittunt vinum nouum in utres vsteres: alioquin rumpuntur utres, & vinum effunditur, & utres pereunt. Sed vinum nouum in utres nouos mittunt, & ambo seruantur. Habebunt prætereà pro se fortassis illius sacratissimi Concilij Ierosolymis celebrati sententiam, in quo Petrus ait eiis fidelibus, qui circumcisionem volebant gentibus cōuersis imponere: *Quid tentatis Deum, imponere iugum super cervicem discipulorum, quod neque patres nostri, neq; nos portare potuimus?* Sed per gratiam Domini Iesu Christi credimus saluari, quemadmodum & illi. Et in eiusdem Conci-

A&t. 15.28. lij epistola sic Gentilibus scribitur: *Visum est Spiritui sancto & nobis, nihil imponere vobis oneris, quam hæc necessaria; ut abstinentis ab immolatis simulacrorum, id est, à propriatis, seu auaritiæ vitio; à sanguine & suffocato, id est, à rebelli inobedientia, & fornicatione. A quibus custodiētes vos, benè agatis. Valete.* Quāta porrò cautela B. Benedictus per suā Regulam in capitulo de electione & officio Abbatis committat benigniter tractare & regere eos, qui infirmi sunt moribus, & vasa sunt rubiginea, norūt hi, qui eūdē passum regulę legerunt notabilē: respondēdo quòd *Lex Domini est immaculata, cōuer-*

S. Bened.
in Reg.

Psal. 18. 8.

uertes animas, & testimoniu Domini fidele,
sapientia praestans paruulis, teste Psalmista.

Tamen ad dubium, Primò notandum, quod quælibet lex siue Regula per Ecclesiam approbata, quamuis in se sit rectissima & stabilis; tamen propter infirmitatem humanæ naturæ, cui applicatur diu per multitudinem & semper, non manet in usu, sed dietim, nisi cum magna solicitudine custodiatur, à moribus hominum labitur: ut partitum in lege naturæ primis insita parentibus, quæ ante diluvium pænè defecit in omnibus: in lege scripta data per Moysen populo Israëlitico, quæ tempore Iudicum & Regum tandem à cunctis ferè deserebatur: in lege Euangelica, quæ in principio nascientis Ecclesiæ custodiebatur exactissimè; & tamen moderno tempore, iuxta Apostoli dictum, refrigeruit charitas multorum. Et idem patet in quarumlibet Religionum regulis & constitutionibus, quæ olim custodiebantur ad vnguem, sed hodie vix vestigium earum manet. Et ideo propter deficientem usum cuiuslibet Regulæ, ipsa lex cum regulato assimilatur rebus defectilibus, utputa, cithara, horologio, choro, periodo, ac nauigio. quarum quælibet indiget rectore aut diligenti artifice, qui defectum eius, cum deficere cœperit, arte sua reformat.

*Notandum
quomodo
omnia pau-
latim in-
tereunt.*

*Coacerua-
tio pulcher-
rimorum
similium.*

Horologium enim etsi semel ad cursum sui motus positum per horarum spatia fuerit; tamen deficiente funis longitudine, aut alio accedente impedimento, opus est, ut reformatur per suum artificem. Citharizandi etiam ars, quamuis sit in se stabilis; tamen quia per usum plectri, aut per tactus duritiam, chordæ successuè laxantur, & idcirco nisi chordæ retendātur ad normam musicę, tandem potius stridorē, quam harmoniam in auribus audientium efficiunt. Sic chorus quantumcumq; cantum Ecclesiasticum seu psalmodiam altè incipiat; tamen apud habentes vocum grauedinem, tantum adeò descendit, ut necesse sit cantorem reintonare altius. Ita periodus corporis complexionati hominis, quia tendit per elementorum propria continuè ad terminum; oportet, si quis diu viuere debet, ut medici arte reformatur. Sic præterea est de naui, quæ contra fluxum fluminis habet ascendere, necesse est, ut continuè per nautam sursum trahatur, alias tandem fluctibus mergentur pelagi, quia descendit continuè. Pari modo est sentiendum de qualibet regula & lege, quæ nisi per artificem sibi propositum continuè applicetur hominibus, tota deperit. Et hanc ob causam reor, Deus omnisciens, hunc modum in omni legis datione tenuit,

tenuit, ut in eius principio semper viros posuerit perfectissimos; quibus cœptū opus per primum eorū impressum impetum, ad perfectionē sui cursus continuaretur diutiū. Sic legi naturali Adam præfecit, de quo dicitur:

Minuisti eum paulo minūs ab Angelis, gloria Psal. 8.6.

& honore coronasti eum, & constituisti eum super opera manuum tuarū. Sic legi scriptæ Moysen tradidit, virū, cui similis, teste Scriptura, posteā non surrexit inter puros homines per decursum Testamenti veteris, solo Christi Baptista dempto, si veteri legi debet connumerari. Sic legi charitatis & Euangelicæ speciosus forma præ filiis hominū præficitur, & cœtus Apostolicus. Et ita etiam in omni Ordine approbato per Ecclesiā, Deo cooperante actum est, ut semper talis Pater fuerit in principio, de quo dici posset; *Non est inuentus similis illi, qui conseruaret legem Excelsi.* Hinc est, quod B. Antonium in fronte status monastici, postquā tepuit, primò posuit, deinde Basiliū, Hieronymū, Augustinū, Benedictū, Dominicū, & Franciscū, ac similes velut duces exercituum, propriis anteposuit Ordinibus.

Hæc idcirco prænotauerim, ut videatur, quām necessarium sit eos esse hodie in Religionē sua discretos & perfectos, qui reparare habent velut instrumenta nimis defē-

*Quām præ
denter re-
formatio
instituenda.*

P 3 tibi-

ctibilia, sui Ordinis citharas mysticas. Cauere enim habent, ne qui letiiter tensi, in supererogationis operibus Deo dulciter modulari possent, & eum laudare in choris & organo: ne nimium tracti ad grauia exercitia, sese cogantur rumpere; aut velut rotam carri murmurare faciant continuè per impatientiae vitium. Caevant etiam è contrario, ne si quis sit, velut chorda putrida, fortassis multitudinem inficiens, ut illam, si frangatur, aut multitudinem rodat contagiosis criminibus, seorsum studeat ponere, & locare pro illa aliam, quatenus multitudo Deum laudare possit, velut in psalterio & citharis, bonis operibus, tam per Decalogum, quam per Euangelica consilia. Si enim Principum terrenorum musici, qui humanas aures demulcere solent, sua arte symphoniaca pro terreno pretio nihil omittere norunt de concernentibus artis suæ regulis, quanto magis Prælati & congregationum spiritualium Præpositi, pro regni cælestis aeterno præmio, & ob Dei reuerentiam paria debent facere? Ut videlicet in corrigendo suam musicam, & reformando vasa musica, nihil omittant de contingentibus, quantum humanitus est possibile. Notandum Secundò, quod hic opus est distinctione B. Augustini in libro suo Enchirid. ubi ponit

Aug. c. 110.
Enchirid.

nit quatuor animarum differentias : Sunt ^{ut quatuor} enim quadruplices nonnumquam in con- ^{animarum}
uentu aliquo fratres : quidam valde boni, ^{differentiae} secundum
quidam valde mali , quidam mediocriter ^{s. Aug. sic} ^{quatuor}
boni, & quidam mediocriter mali. ^{differentiae}

Cum primis igitur, respondendo ad du-
bium, agendum est leniter; & tamen ita, ut
regulam & statuta seruent pro viribus inte-
gre, quia tales sibilo mouentur leniori. Cum
mediocriter bonis procedendum est pari-
formiter, nisi teperi se dietim contra regu-
lam dare inciperent, quia tunc inclinandi
sunt voce & exhortatione asperiori. Cum
mediocriter verò malis, qui contagiosis non
sunt imbuti vitiis, calcaribus mixtim & si-
bilo exhortatorio vtendum erit. Cum valde
malis autem, qui vitiis letalibus inficiunt a-
lios, ita prouidendum erit, ne alios corrum-
pant, & ut ipsi à suis malis resipiscant; aut
saltem ut maiora mala , puniti & custoditi,
perpetrare non possint. Faciant igitur in his
omnibus reformatores, prout in his & in a-
liis vncio Spiritus sancti docuerit, & regula
seu statuta ac aliorū Doctorum scripta de-
terminauerint; atq; quemadmodum in cir-
cumstantiis locorum, temporum, & perso-
narū, experientia seu euidētia facti informa-
uerit: quia de his impossibile est, cùm sint
particularia , regulas ministrare sufficentes.